

Հաստատված է
Հայաստանի Հանրապետության
շուկայի վերահսկողության տեսչական մարմնի
կառավարման խորհրդի
2020 թվականի նոյեմբերի 26-ի N 13 որոշմամբ

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՇՈՒԿԱՅԻ ՎԵՐԱՀՍԿՈՂՈՒԹՅԱՆ ՏԵՍՉԱԿԱՆ ՄԱՐՄԻՆ**

**2021 ԹՎԱԿԱՆԻ
ՏԱՐԵԿԱՆ ԳՈՐԾՈՒՆԵՈՒԹՅԱՆ
Ծ Ր Ա Գ Ի Ր**

Բ ո վ ա ն դ ա կ ու թ յ ու ն

1. Ներածություն _____ 3
2. Ծրագրի նպատակները _____ 4
3. Ծրագրի մշակման նպատակով տեղեկատվության
հավաքագրման աղբյուրները _____ 8
4. Իրավիճակի վերլուծությունը և առկա հիմնախնդիրների
բացահայտումը _____ 9
5. Ծրագրով նախատեսված միջոցառումները, ակնկալվող
արդյունքները և իրականացման ժամանակացույցը _____ 12

1. Ներածություն

Հայաստանի Հանրապետության շուկայի վերահսկողության տեսչական մարմինը (այսուհետ՝ Տեսչական մարմին) գործում է ղեկավարվելով Հայաստանի Հանրապետության վարչապետի 2018 թվականի հունիսի 11-ի N 732-Լ որոշման 1-ին կետով հաստատված Տեսչական մարմնի կանոնադրությամբ և համաձայն «Պետական կառավարման համակարգի մարմինների մասին» Հայաստանի Հանրապետության օրենքի 4-րդ հոդվածի 2-րդ մասի 9-րդ կետի հանդիսանում է Հայաստանի Հանրապետության կառավարությանն ենթակա մարմին:

Տեսչական մարմինն իրականացնում է ոչ պարենային արտադրանքի անվտանգության, չափումների միասնականության ապահովման, թանկարժեք մետաղներից պատրաստված իրերի՝ հարգորոշման և հարգադրոշման, առևտրի, հավատարմագրման, ինչպես նաև նյութական պահուստի ոլորտներում պետական վերահսկողություն՝ ապահովելով վերահսկողության արդյունքում հայտնաբերված խախտումների կանխարգելումը, աշխատանքային ռեսուրսների նպատակաուղղումը դեպի առավել ռիսկային ոլորտները և տնտեսվարող սուբյեկտները, ապահովելով անվտանգ ոչ պարենային արտադրանքների առկայությունը, ինչպես նաև ստուգաչափված չափման միջոցների շահագործումը շուկայում:

Տեսչական մարմնի 2021 թվականի տարեկան գործունեության ծրագրի (այսուհետ՝ Ծրագիր) մշակման համար հիմք են հանդիսացել «Տեսչական մարմինների մասին» Հայաստանի Հանրապետության օրենքի, Հայաստանի Հանրապետության վարչապետի 2018 թվականի հունիսի 11-ի N732-Լ որոշմամբ հաստատված Տեսչական մարմնի կանոնադրության դրույթները և այլ նորմատիվ իրավական ակտեր:

2. Ծրագրի նպատակները

Ծրագրի նպատակն է՝ ոչ պարենային արտադրանքի անվտանգության, չափումների միասնականության ապահովման, թանկարժեք մետաղներից պատրաստված իրերի՝ հարգորոշման և հարգադրոշման, առևտրի, հավատարմագրման, ինչպես նաև նյութական պահուստի ոլորտներում սահմանված պահանջների և պայմանների պահպանումը, խախտումների բացահայտումը, կանխարգելումն ու վերացումը: Մասնավորապես, Տեսչական մարմինը սույն ծրագիրը կազմելիս թիրախավորել է հետևյալ ոլորտները.

1. **Տեխնիկական կանոնակարգման ենթակա ոլորտներ**, մասնավորապես՝

- ա) հեղուկացված ածխաջրածնային գազեր,
- բ) ավտոմոբիլային բենզին և դիզելային վառելիք,
- գ) կենցաղային և սանիտարահիգիենիկ նշանակության արտադրանք,
- դ) թեթև արդյունաբերության արտադրանք,
- ե) երեխաների և դեռահասների համար նախատեսված արտադրանք,
- զ) օժանելիքակոսմետիկական արտադրանք,
- է) խաղալիքներ,
- ը) բետոնի ամրանավորման համար օգտագործվող պողպատե արտադրանք,
- թ) ցեմենտներ:

2. **Չափումների միասնականության ապահովման ոլորտներ**,

մասնավորապես՝

- ա) կաթնամթերքի և մսամթերքի արտադրություն,
- բ) ավտոմոբիլային տրանսպորտային միջոցների տեխզննում,
- գ) նշանակված հավատարմագրման լաբորատորիա,
- դ) հանքաարդյունաբերություն,
- ե) ավտոգազալիցքավորման ճնշակայաններ,

գ) հեղուկացված ածխաջրածնային գազերի լիցքավորում,

է) ավտոմոբիլային բենզին և դիզելային վառելիքի ներմուծում և լիցքավորում,

Տեխնիկական կանոնակարգման ենթակա սույն ծրագրով թիրախավորված ոլորտներում Տեսչական մարմնի վերահսկողական գործառույթները միտված են լինելու տեխնիկական կանոնակարգման ենթակա շուկայահանված ոչ պարենային արտադրանքի համապատասխանության ապահովմանը տեխնիկական կանոնակարգերով սահմանված պայմաններին և պահանջներին, մասնավորապես՝ անվտանգության ցուցանիշների պահպանմանը, համապատասխանության գնահատման ենթարկված ոչ պարենային արտադրանքի շուկայահանմանը, ինչպես նաև մակնշմանը ներկայացված պահանջների ապահովմանը:

Տեսչական մարմինը, նպատակ ունենալով բարելավել անվտանգ ավտոմոբիլային բենզինի և դիզելային վառելիքի առկայությունը շուկայում, ձեռք է բերել մարդու կյանքին և առողջությանն առավել վնաս պատճառող ցուցանիշի՝ K-5 դասի վառելիքի ծծմբի տեսակարար կշիռը որոշող լաբորատոր սարքավորում: Այս սարքի միջոցով Տեսչական մարմինը հնարավորություն կստանա նվազեցնել ստուգման տևողությունը, արագ արձագանքել դիմում-բողոքներին, ինչպես նաև խնայել լաբորատոր փորձաքննության համար հատկացված ֆինանսական միջոցները: Տեսչական մարմնի շարժական լաբորատորիայում առկա ծծմբի տեսակարար կշիռը որոշող սարքը նախատեսված էր K-4 դասի վառելիքի համար:

Ելնելով վերը նշվածից Տեսչական մարմինը տեխնիկական կանոնակարգման ենթակա ստորև ներկայացված ոլորտներում նախատեսվող ստուգումների (278 տնտեսվարող սուբյեկտ) իրականացման պատկերը հետևյալն է՝

ա) հեղուկացված ածխաջրածնային գազեր՝ 65 տնտեսվարող սուբյեկտ,

- բ) ավտոմոբիլային բենզին և դիզելային վառելիք՝ 64 տնտեսվարող սուբյեկտ,
- գ) կենցաղային և սանիտարահիգիենիկ նշանակության արտադրանք՝ 24 տնտեսվարող սուբյեկտ, որոնք հանդիսանում են դեղատնային ցանցեր,
- դ) թեթև արդյունաբերության արտադրանք՝ 37 տնտեսվարող սուբյեկտ,
- ե) երեխաների և դեռահասների համար նախատեսված արտադրանք՝ 14 տնտեսվարող սուբյեկտ,
- զ) օժանելիքակոսմետիկական արտադրանք՝ 19 տնտեսվարող սուբյեկտ,
- է) խաղալիքներ՝ 15 տնտեսվարող սուբյեկտ,
- ը) բետոնի ամրանավորման համար օգտագործվող պողպատե արտադրանք՝ 22 տնտեսվարող սուբյեկտ,
- թ) ցեմենտներ՝ 18 տնտեսվարող սուբյեկտ:

Տեսչական մարմինը տեխնիկական կանոնակարգման ենթակա ոլորտներում 2021 թվականին նախատեսում է՝

- անվտանգության ցուցանիշների պահպանման աճ 10-ից-13%-ով,
- համապատասխանության գնահատման ենթարկված արտադրանքի աճ 8-ից 10%-ով,
- մակնշմանը ներկայացված պահանջների ապահովման աճ 6-ից 8%-ով:

Տեսչական մարմինը 2021 թվականի ստուգումների ծրագիրը կազմելիս նաև թիրախավորել է այն տնտեսվարող սուբյեկտները, որոնք Տեսչական մարմնի վերահսկման ենթակա միաժամանակ մի քանի ոլորտի արտադրանք են իրացնում:

Չափումների միասնականության ապահովման սույն ծրագրով թիրախավորված ոլորտներում Տեսչական մարմնի վերահսկողական գործառույթները միտված են լինելու ստուգաչափման ենթակա շահագործվող և շուկայահանված չափման միջոցների համապատասխանության

ապահովմանը չափագիտական կանոններով և նորմերով սահմանված պայմաններին և պահանջներին:

Ելնելով վերը նշվածից Տեսչական մարմինը ստուգաչափման ենթակա չափման միջոցների շահագործող ստորև ներկայացված ոլորտներում նախատեսվող ստուգումների (255 տնտեսվարող սուբյեկտ) իրականացման պատկերը հետևյալն է՝

- ա) կաթնամթերքի արտադրություններում՝ 19 տնտեսվարող սուբյեկտ,
- բ) ավտոմոբիլային տրանսպորտային միջոցների տեխզննման կայաններում՝ 24 տնտեսվարող սուբյեկտ,
- գ) նշանակված հավատարմագրման լաբորատորիաներում՝ 9 տնտեսվարող սուբյեկտ,
- դ) հանքաարդյունաբերությունում՝ 6 տնտեսվարող սուբյեկտ,
- ե) ավտոգազալիցքավորման ճնշակայաններում (ԱԳԼՃԿ)՝ 68 տնտեսվարող սուբյեկտ,
- զ) հեղուկացված ածխաջրածնային գազերի լիցքավորում՝ 65 տնտեսվարող սուբյեկտ,
- է) ավտոմոբիլային բենզին և դիզելային վառելիքի ներմուծում և լիցքավորում՝ 64 տնտեսվարող սուբյեկտ,

Տեսչական մարմինը թիրախավորել է կաթնամթերքի արտադրությունները հիմք ընդունելով ՀՀ վարչապետի հանձնարարությամբ թվով 93 գյուղմթերք մթերող տնտեսվարող սուբյեկտների մոտ իրականացված ստուգումների արդյունքները, այն է՝ առնվազն 85%-ի մոտ հայտնաբերվել են չափագիտական կանոնների և նորմերի խախտումներ: Սույն ոլորտում ստուգումներն իրականացվելու են համաձայն <<Չափումների միասնականության մասին>> ՀՀ օրենքով սահմանված վերահսկման ենթակա ոլորտներում՝ ստուգաչափման ենթակա չափման միջոցների նկատմամբ:

Տեսչական մարմինը չափումների միասնականության ապահովման ոլորտում 2021 թվականին նախատեսում է շահագործվող և շուկայահանված ստուգաչափված չափման միջոցների աճ՝ 12-ից-15%-ով:

Տեսչական մարմինը ձեռք է բերել նաև թանկարժեք մատաղների անալիզատոր և նախատեսում է պայմանավորված աշխատանքային ծանրաբեռնվածությունից ոլորտային ստուգումներ իրականացնել թանկարժեք մետաղներից պատրաստված իրերի առևտրի ոլորտում:

3. Ծրագրի մշակման նպատակով տեղեկատվության հավաքագրման աղբյուրները

Առավել ռիսկային ոլորտները և տնտեսվարող սուբյեկտները բացահայտելու, ինչպես նաև Ծրագրի արդյունավետությունը բարձրացնելու նպատակով Տեսչական մարմինը տեղեկատվություն է հավաքագրել պետական, տեղական ինքնակառավարման մարմիններից, այլ կազմակերպություններից, քաղաքացիներից և այլ աղբյուրներից: Մասնավորապես՝

1. Հայաստանի Հանրապետության էկոնոմիկայի, շրջակա միջավայրի, տարածքային կառավարման և զարգացման նախարարություններից,
2. Հայաստանի Հանրապետության կառավարությանն ենթակա պետական եկամուտների կոմիտեից,
3. Հայաստանի Հանրապետության մարզպետարաններից,
4. Հայաստանի Հանրապետության սննդամթերքի անվտանգության տեսչական մարմնից,
5. <<Ստանդարտացման և չափագիտության ազգային մարմին>> ՓԲԸ-ից՝ տնտեսվարող սուբյեկտների կողմից ստուգաչափված չափման միջոցների վերաբերյալ,

6. Հայաստանի Հանրապետության տարածքում իրականացված ուսումնասիրությունների արդյունքում հավաքագրված տվյալներ,
7. Հայաստանի Հանրապետությունում գործող ԱԳԼՃԿ-ներում իրականացված իրազեկման աշխատանքների արդյունքում ձեռք բերված տեղեկատվություն,
8. Ստացված դիմում-բողոքների և հեռախոսազանգի միջոցով,
9. ԶԼՄ-ներից և համացանցից՝ իրականացված ուսումնասիրությունների միջոցով:

4. Իրավիճակի վերլուծությունը և առկա հիմնախնդիրների բացահայտումը

2020 թվականի ստուգումների տարեկան ծրագրով նախատեսվել էր 350 տնտեսվարող սուբյեկտի մոտ իրականացնել ստուգում, որից

- 1-ին եռամսյակում՝ 83,
- 2-րդ եռամսյակում՝ 103,
- 3-րդ եռամսյակում՝ 92,
- 4-րդ եռամսյակում՝ 72:

2020 թվականի իննը ամիսների ընթացքում իրականացվել է ծրագրով նախատեսված 251 ստուգում, դիմում-բողոքի հիման վրա՝ 41 ստուգում, այլ պետական մարմինների գրությունների հիման վրա՝ 113-ը: Ծրագրով նախատեսված 27 տնտեսվարող սուբյեկտի մոտ ստուգում չի իրականացվել պայմանավորված հետևյալ պատճառներով՝

- 2 տնտեսվարող սուբյեկտ գործունեությունը ժամանակավորապես դադարեցրել է,
- 3 տնտեսվարող սուբյեկտ խոչընդոտել է ստուգման իրականացումը,
- 13 տնտեսվարող սուբյեկտի մոտ ստուգման ընթացքը կասեցված է,

- 9 տնտեսվարող սուբյեկտի մոտ ստուգում իրականացնելու մասին հրաման ճանաչվել է չեղյալ:

Առավել ռիսկային տնտեսվարող սուբյեկտներին բացահայտելու նպատակով ՀՀ կառավարությանն ենթակա պետական եկամուտների կոմիտեի կողմից ստացված ՀՀ տարածք ներմուծված (այդ թվում նաև ԵԱՏՄ-ից) ոչ պարենային արտադրանքի վերաբերյալ տեղեկատվությունը համադրվել է Հավատարմագրման ազգային մարմնի պաշտոնական կայքում տեղադրված համապատասխանության սերտիֆիկատների և համապատասխանության հայտարարագրերի ռեեստրում գետեղված տվյալների հետ, ինչի արդյունքում պարզվել է, որ 2019 թվականի ընթացքում պարբերաբար և խոշոր ծավալի ոչ պարենային արտադրանք ներմուծող տնտեսվարող սուբյեկտների ընդամենը 36.1%-ն է իր կողմից ներմուծած արտադրանքն ենթարկել համապատասխանության գնահատման, իսկ 2020 թվականի ինն ամսվա կտրվածքով՝ շուրջ 37,8%-ը: Ելնելով վերը շարադրվածից ակնհայտ է, որ գրանցվել է համապատասխանության գնահատման ընթացակարգ անցած ՀՀ տարածք ներմուծված ոչ պարենային արտադրանքի աճ՝ 1.7%-ով, ինչը վկայում է ՀՀ տարածք ներմուծված ոչ պարենային արտադրանքի շուկայում անվտանգության ցուցանիշների աճի մասին:

Ստուգման արդյունքներով 2020 թվականի ընթացքում նշանակված տուգանքների գումարը կազմել է 37.035.0 հազար ՀՀ դրամ, որից պետական բյուջե արդեն իսկ վճարվել է 22.980,0 հազար ՀՀ դրամ՝ գանձելության ցուցանիշը կազմելով 70,5%: Գանձումների գործընթացն օրենքով սահմանված կարգով շարունակվում է:

Տեսչական մարմնի կողմից 2020 թվականի ընթացքում իրականացված ստուգումների արդյունքում 67.6% տնտեսվարող սուբյեկտների (274 տնտեսվարող) մոտ հայտնաբերվել են տարբեր բնույթի

(համապատասխանության գնահատման փաստաթղթերի բացակայություն, մակնշման, չափագիտական նորմերի և այլ) խախտումներ: Ստուգումների ընթացքում, Տեսչական մարմնի կողմից բացահայտված խախտումների և թերությունների վերացման համար տնտեսվարող սուբյեկտները 2020 թվականի ընթացքում դիմել և համապատասխան մարմիններից ստացել են՝

- թվով 83 համապատասխանության գնահատման փաստաթուղթ՝ սերտիֆիկատներ և հայտարարագրեր,
- թվով 470 չափման միջոց ենթարկվել է ստուգաչափման:

Տեսչական մարմնի կողմից 2020թ. իրականացրած ստուգումների ընթացքում նույն ոլորտում 18 և ավել կիրառված ստուգաթերթերի արդյունքում հայտնաբերված խախտումների տեսակարար կշռի պատկերը ընդհանուր թվաքանակի նկատմամբ ըստ ոլորտների հետևյալն է՝

- տեխնիկական միջոցների էլեկտրամագնիսական համատեղելիություն (տեսակարար կշիռը 53%),
- ցածրավոլտ սարքավորումներ (տեսակարար կշիռը 54%),
- խաղալիք (տեսակարար կշիռը 54%),
- օժանդակագրությունների արտադրանք (տեսակարար կշիռը 29%),
- երեխաների և դեռահասների համար նախատեսված արտադրանք (տեսակարար կշիռը 69%),
- ավտոմոբիլային բենզին և դիզելային վառելիք (տեսակարար կշիռը 73%),
- ԱԳԼՃԿ (տեսակարար կշիռը 56%),
- կենցաղային և սանիտարահիգիենիկ նշանակության ապրանքներ (տեսակարար կշիռը 31%):

Տեսչական մարմինն իր 2021 թվականի ստուգումների տարեկան ծրագիրը կազմելիս հաշվի է առել նաև վերը նշվածը պատկերը:

Տեսչական մարմնի կողմից կարգավորվող ոլորտներում առավել ռիսկային տնտեսվարող սուբյեկտներին բացահայտելու նպատակով

իրականացվում է հավաքագրված ոչ պարենային արտադրանքների վերաբերյալ տվյալների վերլուծություն: Մասնավորապես իրականացվել է ՀՀ կառավարությանն ենթակա պետական եկամուտների կոմիտեի կողմից ստացված ՀՀ տարածք ներմուծված ոչ պարենային արտադրանքների վերաբերյալ տեղեկատվության վերլուծություն՝ վերհանելով պարբերաբար և մեծ ծավալի ներմուծումներ իրականացնող տնտեսվարող սուբյեկտները

5. Ծրագրով նախատեսված միջոցառումները, ակնկալվող արդյունքները և իրականացման ժամանակացույցը

2021 թվականի ստուգումների տարեկան ծրագրում ընդգրկված է վերահսկման ենթակա 19 ոլորտի 450 տնտեսվարող սուբյեկտ (2020թ.-ի նկատմամբ 28% աճ):

Տեսչական մարմնի կողմից 2021 թվականի ստուգումների տարեկան ծրագրում ընդգրկված տնտեսվարող սուբյեկտների թվաքանակն՝ ըստ եռամսյակների հետևյալն է.

1-ին եռամսյակում՝ 100,

2-րդ եռամսյակում՝ 140,

3-րդ եռամսյակում՝ 120

4-րդ եռամսյակում՝ 90:

Ծրագրով նախատեսվում է 2021 թվականին իրականացնել հետևյալ հիմնական միջոցառումները՝

- **համապատասխանության գնահատման ոլորտում** իրազեկման մակարդակի բարձրացման, շուկայի ուսումնասիրության և վերահսկողական գործառույթի գործիքակազմի կիրառմամբ ապահովել

համապատասխանության գնահատման ընթացակարգ անցած ոչ պարենային արտադրանք իրացնողների առնվազն 8-10% աճ,

- **չափագիտության ոլորտում** չափագիտական պետական լիազոր մարմնի հետ համագործակցության մակարդակի բարձրացման, և վերահսկողական գործառույթի իրականացմամբ ապահովել ստուգաչափված չափման միջոցների շահագործման առնվազն 12-15% աճ,
- **մականշման ոլորտում** սպառողների իրազեկման մակարդակի բարձրացման, շուկայի ուսումնասիրության և վերահսկողական գործառույթի գործիքակազմի կիրառմամբ ապահովել առանց մականշման կամ թերի մականշմամբ ոչ պարենային արտադրանքի իրացման նվազում առնվազն 6-8%-ով,
- **թանկարժեք մետաղների ոլորտում** հարգորոշող և հարգադրոշմող հաշվառված անձանց կողմից ծավալված գործունեության նկատմամբ վերահսկողական լծակների արդյունավետության բարձրացում՝ կիրառելով ձեռք բերված թանկարժեք մետաղների անալիզատորը,
- **ռիսկերի գնահատում**՝ Տեսչական մարմնի կողմից 2021թ. ընթացքում Տեսչական մարմնի վերահսկողական ոլորտում գործող տնտեսվարող սուբյեկտների վերաբերյալ տեղեկատվության հավաքագրում և ռիսկերի կառավարում,
- **Տեսչական մարմնի գործունեությունը կարգավորող օրենսդրական դաշտում** առկա խնդիրների բացահայտում և համապատասխան միջոցառումների ներկայացում, մասնավորապես մշակել՝
 - <<Շուկայի վերահսկողության մասին>> ՀՀ օրենքի ընդունմամբ պայմանավորված ենթաօրենսդրական նորմատիվ իրավական ակտերի նախագծերի մշակում,
- **կանխարգելիչ և իրազեկման միջոցառումներ** (ծրագիրը ներկայացված է 2-րդ հավելվածով),

- **անձնակազմի կարողությունների զարգացում**՝ համագործակցելով ԵԱՏՄ, ԵՄ և այլ միջազգային կառույցների, ինչպես նաև այլ մասնագիտացված շահագրգիռ մարմինների հետ՝ առնվազն մեկ դասընթացի կազմակերպում,

- **դիմում-բողոքներին արձագանքում, խորհրդատվության տրամադրում:**

Տեսչական մարմնի կողմից նախատեսված 2021 թվականին իրականացվելիք միջոցառումները՝ ըստ կատարման ժամանակացույցի ներկայացված են հավելված 1-ով:

Ծ Ր Ա Գ Ի Ր

ՏԵՍՉԱԿԱՆ ՄԱՐՄՆԻ 2021 ԹՎԱԿԱՆԻ ԳՈՐԾՈՒՆԵՈՒԹՅԱՆ ՄԻՋՈՑԱՌՈՒՄՆԵՐԻ

N	Միջոցառման անվանումը	Ակնկալվող արդյունքը/գնահատման չափանիշը	Կատարողը	Համակատարը	Ժամկետը
1.	2.	3.	4.	5.	6.
1.	Ոչ պարենային արտադրանքների տեխնիկական կանոնակարգերով սահմանված պահանջների, չափագիտական կանոնների և նորմերի կատարման նկատմամբ վերահսկողության իրականացում	թվով 100 տնտեսվարող սուբյեկտի մոտ ստուգման իրականացում թվով 140 տնտեսվարող սուբյեկտի մոտ ստուգման իրականացում թվով 120 տնտեսվարող սուբյեկտի մոտ ստուգման իրականացում թվով 90 տնտեսվարող սուբյեկտի մոտ ստուգման իրականացում	1. Տեխնիկական կանոնակարգերով սահմանված պահանջների և թանկարժեք մետաղների վերահսկողության վարչություն, 2. Չափագիտական կանոնների և նորմերի վերահսկողության վարչություն		I եռամսյակ II եռամսյակ III եռամսյակ IV եռամսյակ
2.	Համապատասխանության գնահատման ոլորտում իրազեկման մակարդակի բարձրացում, շուկայի ուսումնասիրություն և վերահսկողական գործառույթի գործիքակազմի կիրառում	Համապատասխանության գնահատման ընթացակարգ անցած ոչ պարենային արտադրանք իրացնողների առնվազն 8-10% աճ,	Տեխնիկական կանոնակարգերով սահմանված պահանջների և թանկարժեք մետաղների վերահսկողության վարչություն,	Չափագիտական կանոնների և նորմերի վերահսկողության վարչություն	Տարվա ընթացքում
3.	Չափագիտության ոլորտում չափագիտական պետական լիազոր մարմնի հետ համագործակցության մակարդակի բարձրացում և վերահսկողական գործիքակազմի կիրառում	Ստուգաչափված չափման միջոցների շահագործման առնվազն 12-15% աճ,	Չափագիտական կանոնների և նորմերի վերահսկողության վարչություն,	Տեխնիկական կանոնակարգերով սահմանված պահանջների և թանկարժեք մետաղների վերահսկողության վարչություն	Տարվա ընթացքում
4.	Մակնշման ոլորտում սպառողների իրազեկման մակարդակի բարձրացում, շուկայի ուսումնասիրություն և վերահսկողական գործառույթի գործիքակազմի կիրառում	Առանց մակնշման կամ թերի մակնշմամբ ոչ պարենային արտադրանքի իրացման նվազում առնվազն 6-8%-ով,	Տեխնիկական կանոնակարգերով սահմանված պահանջների և թանկարժեք մետաղների վերահսկողության վարչություն	Չափագիտական կանոնների և նորմերի վերահսկողության վարչություն -	Տարվա ընթացքում
5.	<<Շուկայի վերահսկողության մասին>> ՀՀ օրենքի ընդունմամբ պայմանավորված նորմատիվ իրավական ակտերի նախագծերի մշակում	Կարգավորել Հայաստանի Հանրապետությունում ոչ պարենային արտադրանքի անվտանգությանն և չափումների միասնականությանն առնչվող հարաբերությունները	Իրավական աջակցության և փաստաթղթաշրջանառության վարչություն		Տարվա ընթացքում

6.	Տեսչական մարմնի վերահսկողական ռոլորտում գործող տնտեսվարող սուբյեկտների վերաբերյալ տեղեկատվության հավաքագրում և ռիսկերի կառավարում,	Առավել ռիսկային տնտեսվարող սուբյեկտները բացահայտելու նպատակով հավաքագրումված տվյալների վերլուծություն	Ռիսկի գնահատման և վերլուծությունների վարչություն	1. Տեխնիկական կանոնակարգերով սահմանված պահանջների և թանկարժեք մետաղների վերահսկողության վարչություն, 2. Չափագիտական կանոնների և նորմերի վերահսկողության վարչություն	Տարվա ընթացքում
7.	Անձնակազմի կարողությունների զարգացում՝ համագործակցելով ԵԱՏՄ, ԵՄ և այլ միջազգային կառույցների, ինչպես նաև այլ մասնագիտացված շահագրգիռ մարմինների հետ	Կազմակերպել առնվազն մեկ դասընթաց՝ աշխատանքային ունակությունների կատարելագործման նպատակով	Կառուցվածքային ստորաբաժանումներ	-	Տարվա ընթացքում

Ծ Ր Ա Գ Ի Ր

ՏԵՍՉԱԿԱՆ ՄԱՐՄՆԻ 2020 ԹՎԱԿԱՆԻ ԿԱՆԽԱՐԳԵԼԻՉ ԵՎ ԻՐԱՋԵԿՄԱՆ ՄԻՋՈՑԱՌՈՒՄՆԵՐԻ

N	Գործողություն	Արդյունք	Ժամկետ	Կատարող
1.	Անհատական իրազեկում-հանդիպումներ առավել խոշոր ներկրող կամ արտադրող ընկերությունների ներկայացուցիչների հետ	Տնտեսվարողների և քաղաքացիների՝ իրենց իրավունքների, պարտականությունների իրազեկվածության մակարդակի բարձրացում:	Մինչև չորրորդ եռամսյակ 100 հանդիպում	Իրազեկման, խորհրդատվության և հանրության հետ տարվող աշխատանքների բաժին
2.	Մամուլի հաղորդագրություն՝ տեսչական մարմնի ստուգումների արդյունքների և քաղաքացիներից ստացող բողոքների վերաբերյալ:	Տեսչական մարմնի գործունեության վերաբերյալ հանրության տեղեկացվածության բարձրացում:	Տարվա ընթացքում	
3.	Տեսչական մարմնի ղեկավար անձանց հարցազրույցներ:	Հասարակության շրջանում Տեսչական մարմնի գործունեության վերաբերյալ իրազեկվածության բարձրացում	Տարվա ընթացքում	
4.	Կպչուն տարբերանշանների մշակում:	Տնտեսվարողների գործունեության օրինականության գնահատում	Տարվա ընթացքում	
5.	Իրազեկման թերթիկների պատրաստում և տարածում	Սպառողների իրազեկման մակարդակի բարձրացում	Տարվա ընթացքում	
6.	Տնտեսավարող սուբյեկտի գործունեությանն առնչվող, նոր իրավական ակտեր ընդունվելու կամ դրանցում փոփոխություններ, լրացումներ կատարվելու մասին տնտեսվարողներին առցանց իրազեկում	Տնտեսվարողների՝ իրենց իրավունքների, պարտականությունների իրազեկվածության մակարդակի բարձրացում:	Տարվա ընթացքում	
7.	Հանդիպումներ հասարակական կազմակերպությունների հետ:	Տեսչական մարմնի գործունեության թափանցիկության ապահովում:	Յուրաքանչյուր եռամսյակ 1 հանդիպում	
8.	Տեսչական մարմնի գործունեությանն առնչվող մեղիա նյութերի հավաքագրում և վերլուծություն:	Տեսչական մարմնի գործունեության վերաբերյալ հանրային կարծիքի և ՋԼՄ-ների արձագանքների ամփոփում:	Տարվա ընթացքում	
9.	Տեսչական մարմնի թեժ գծին ստացված զանգերի վիճակագրության վարում, ամփոփում:	Իրավիճակի համեմատական վերլուծության արդյունքում՝ առկա խնդիրների բացահայտում:	Յուրաքանչյուր ամսվա համար մինչև հաջորդող ամսվա 5-րդ աշխատանքային օրը	
10.	Տեսչական մարմնի ստացված դիմում-բողոքների վիճակագրության վարում, ամփոփում:	Իրավիճակի համեմատական վերլուծության արդյունքում՝ առկա խնդիրների բացահայտում:	2021թ-ի հուլիսի 20 2022թ-ի հունվարի 20	
11.	Տեսչական մարմնի պաշտոնական կայքէջի տեղեկատվական սպասարկում	Թափանցիկության և իրազեկվածության բարձրացում:	Տարվա ընթացքում	